

16-05-2019

1090

0211-1



MEMORANDUM O RAZUMIJEVANJU

Project Harmony, Inc (dalje u tekstu PH Int.), kojeg predstavlja Nedžada Faginović, direktorica Ureda PH International u Bosni i Hercegovini i Uprava policije Ministarstva unutrašnjih poslova Kantona Sarajevo, kojeg predstavlja Milorad Bašić, glavni inspektor ovim Memorandumom o razumijevanju (dalje u tekstu Memorandum) dogovaraju saradnju u okviru projekta Program socijalizacija s pravom u Federaciji Bosne i Hercegovine (dalje u tekstu PSP).

1. Predmet Memoranduma

Odjel Vlade Sjedinjenih Američkih Država za borbu protiv međunarodne trgovine narkoticima i provođenje zakona (*Bureau of International Narcotics and Law Enforcement Affairs - INL*) dodijelio je grant sredstva organizaciji PH Int. za realizaciju projekta PSP. Projekt u svojim fazama realizacije uključuje kantone u dogovoru i saglasnosti sa INL-om. U trećoj godini projekta koji se realizuje u periodu od decembra 2018. do novembra 2019. godine uključen je Kanton Sarajevo. Namjera projekta je doprinijeti nastojanjima nadležnih kantonalnih institucija u prevenciji maloljetničke delinkvencije.

Ciljevi projekta su:

- educirati mlade u Bosni i Hercegovini o vladavini prava, značaju poštivanja zakonā, širim posljedicama nepoštivanja zakonā (npr. korupcija, korištenje narkotika, trgovina ljudima...) kao i ulozu institucija za sprovođenje zakona;
- uspostaviti pozitivne odnose i saradnju između mladih i institucija za sprovođenje zakona, čime će policijske snage promovisati svoju ulogu u službi građana, a što za konačan cilj ima poboljšanje povjerenja građana u policiju.

PSP uključuje saradnju i zajednički rad prosvjetnih radnika i policijskih službenika u namjenski osmišljenim nastavnim i vannastavnim aktivnostima u odabranim osnovnim i srednjim školama. Taj zajednički rad se zasniva na osmišljenom PSP kurikulumu i obuci timova za realizaciju PSP kurikuluma.

Osnovna ideja PSP-a je inovativan i integrisan pristup upoznavanju/socijalizaciji sa konceptima vladavine prava i značaju poštivanja zakonā kroz tematske jedinice – module prilagođene uzrastu učenika 8. razreda osnovne i 2. razreda srednje škole. Module u školama realizuju timovi voditelja koje čine nastavnik/pedagog i policijski službenik.

Memorandum kao usaglašen sporazum potpisnika predstavlja formalni pravni okvir za realizaciju planiranih aktivnosti PSP-a u Kantonu Sarajevo. Kao takav predstavlja sporazum potpisnika o podršci realizaciji aktivnosti.



Potpisnici su saglasni da:

PH international će na najbolji mogući način:

- Osigurati tehničke uslove za implementaciju aktivnosti definisanim u Aneksu 1 koji čini sastavni dio Memoranduma;
- Organizovati obuku za nastavnike/pedagoge i policijske službenike za realizaciju PSP modula u timu;
- Pripremiti i distribuirati PSP priručnike;
- Podržati aktivnosti koje uključuju sve aktere u odabranim lokalnim zajednicama, uključujući i roditelje, za implementaciju aktivnosti PSP-a;
- Obavještavati Upravu policije MUP-a Kantona Sarajevo o svim aktivnostima PSP-a.

Uprava policije MUP-a Kantona Sarajevo će na najbolji mogući način:

- Imenovati jednog predstavnika u Tim za izradu PSP kurikuluma za Kanton Sarajevo;
- Odobriti učešće policijskih stanica u odabarnim općinama;
- Odobriti učešće policijskih službenika koji će zajedno sa nastavnim osobljem proći obuku za realizaciju PSP modula;
- Poticati odabrane policijske službenike da budu posvećeni kao dio nastavnog tima;
- Kontinuirano sarađivati sa organizacijom PH International u implementaciji PSP-a u Kantonu Sarajevo.

2. Uslovi Memoranduma

U ostvarivanju saradnje, Uprava policije MUP-a Kantona Sarajevo, shodno svojim nadležnostima ostvaruje pravo na samostalno odlučivanje o korištenju personalnih i finansijskih resursa po svim stavkama, kao i o načinu ostvarivanja modaliteta saradnje sadržane u ovom Memorandumu koji se odnosi na Upravu policije.

Memorandum stupa na snagu danom potpisivanja i traje do završetka realizacije projektnih aktivnosti definisanih u Aneksu 1. Svaka strana može u bilo koje vrijeme zatražiti dopune, izmjene ili raskid Memoranduma. Memorandum je potpisan u dva primjerka, po jedan primjerak za svaku stranu.

Tajinović

Nedžada Faginović

Direktorica Ureda PH International u BiH

Project Harmony, Inc.,
Ured u Bosni i Hercegovini
SARAJEVO

Datum: 16.05.2019.

Mjesto: SARAJEVO

Milorad Bašić
Glavni inspektor

Uprava policije MUP-a Kantona Sarajevo



Datum: 16.05.2019.

Mjesto: SARAJEVO

Aneks 1 : Projektne aktivnosti PSP-a

Dole navedene aktivnosti su prijevod sa engleskog, nabrojanih u dokumentu o dodjeli grant sredstava INL-a organizaciji PH Int.

- Mapiranje zainteresovanih strana u dva nova kantona;
- Podjela rezultata evaluacije savjetodavnom vijeću/TIK, kako bi se doprinjelo planiranju i donošenju odluka na osnovu polaznih i projektnih rezultata;
- Komuniciranje sa zainteresovanim stranama (ministarstvima obrazovanja, unutrašnjih poslova, policijskim upravama, socijalnim radnicima...) u dva nova kantona, (Kanton Sarajevo i Tuzlanski kanton), kako bi dobili njihovu podršku da učestvuju u projektu;
- Komuniciranje sa zainteresovanim stranama (ministarstvima obrazovanja, unutrašnjih poslova, policijskim upravama, socijalnim radnicima...) iz Hercegovačko-neretvanskog i Zeničko – dobojskog kantona, kako bi dobili podršku od novoosnovanih kantonalnih vlada radi proširenja na dodatne škole u ovim kantonima;
- Na osnovu preporuka ministarstava, odabrati osnovne i srednje škole u ciljanim općinama, u nova dva kantona, Kantonu Sarajevo i Tuzlanskom kantonu;
- Odabir osam (8) kandidata iz dva nova kantona za edukaciju PSP trenera;
- Implementacija „PSP treninga za trenere “ i po završetku obuke dodjeliti certifikate za osam (8) PSP trenera;
- Diseminirati informaciju o podjeli certifikata trenerima PSP trenera i lokalnim zajednicama iz kojih dolaze;
- Odabir 15 novih škola u Hercegovačko – neretvanskom i Zeničko – dobojskom kantonu za implementaciju PSP-a;
- Odabir 24 škole u dva nova kantona (Kanton Sarajevo i Tuzlanski kanton) za implementaciju PSP-a;
- Odabir nastavnih timova za implementaciju PSP-a u 15 novih škola iz Hercegovačko – neretvanskog i Zeničko – dobojskog kantona;
- Odabir nastavnih timova za implementaciju PSP –a u 24 škole iz dva nova kantona;
- Provesti proceduru Leahy Vettinga za policijske službenike koji će učestovati u implementaciji PSP-a;
- Obuka prosvjetnih radnika i policijskih službenika (iz Hercegovačko – neretvanskog i Zeničko – dobojskog kantona; Kantona Sarajevo i Tuzlanskog kantona) od strane certficiranih PSP trenera, koji će raditi u timovima za provedbu PSP kurikuluma u odabranim osnovnim i srednjim školama;
- Realizacija PSP-a u 16 osnovnih škola u Hercegovačko – neretvanskom i Zeničko – dobojskom kantonu;
- Realizacija PSP-a u 11 srednjih škola u Hercegovačko – neretvanskom i Zeničko – dobojskom kantonu;

- Realizacija PSP-a u 15 novih škola u Hercegovачko – neretvanskom i Zeničko – dobojskom kantonu;
- Realizacija PSP-a u 24 škole u dva nova kantona (Kanton Sarajevo i Tuzlanski kanton);
- Mjerenje povećanja znanja o vladavini prava i policiji, među PSP učenicima/školama;
- Razvoj i implementacija vannastavne aktivnosti u formi „policijskih akademija za mlade“, koje su usmjerene na pitanja vladavine prava u njihovim zajednicama, kao što su borba protiv korupcije, maloljetnički kriminal i nasilje na internetu u postojećim i novim školama u Hercegovачko – neretvanskom i Zeničko – dobojskom kantonu;
- Implementacija treninga za planiranje projekata u lokalnoj zajednici za policijske službenike i prosvjetne radnike iz 15 novih zajednica u starim kantonima i 24 nove zajednice u dva nova kantona;
- Učenici uče kako da zajedno sa policijskim službenicima planiraju lokalne projekte koji su od koristi njihovoj školi i zajednici;
- Objavljivanje javnog poziva za dostavljanje prijedloga projekta u lokalnoj zajednici;
- Odabir 12 najboljih projekata u lokalnoj zajednici za dodjelu mini grantova;
- Implementacija projekata u lokalnoj zajednici uz učešće policije, škola i učenika iz lokalnih zajednica u dva nova kantona i u 15 novih škola iz Hercegovачko-neretvanskog i Zeničko-dobojskog kantona.